

ОЗИҚ-ОВҚАТ
МАҲСУЛОТЛАРИ
НАРХЛАРИ НАЗОРАТДА

2-бет

КУЛТҮБЕ
ҚАЛЪАСИ: ТАРИХ ВА
КЕЛАЖАК

5-бет

РАМАЗОН
ОЙИ МУБОРАК
БЎЛСИН!

7-бет

Қозғистон
Республикаси
Мустақиллиги
ва газетализга




TURKISTAN
janubiy.kz

Вилоят ижтимоий-сиёсий газетаси
Жанубий

ҚОЗОҒИСТОН

1991 йил 5 апрелдан чиқа бошлаган
Сешанба, пайшанба ва шанба кунлари чиқади

2021 йил 10 апрель, шанба. №38 (2943).



ҚОЗОҒИСТОН – РОССИЯ: САМАРАЛИ ҲАМКОРЛИКНИНГ ЯНГИ УФҚЛАРИ

Давлат раҳбари Қасим-Жўмарт Тўқаев Нур-Султан шаҳрига хизмат сафари билан келган Россия ташқи ишлар вазири Сергей Лавровни қабул қилди.

Қасим-Жўмарт Тўқаев икки мамлакат ўртасидаги муносабатлар ва ҳамкорликка янги жўшқинлик бериш нўқтаи назардан вазир ташрифнинг муҳимлигини таъкидлади.

– Қозғистон ва Россия – стратегик ҳамкорлар. Шунинг учун, сизнинг ташрифингиз ва олий даражадаги учрашувлар давомида кўзланган мақсадларимизга эришамиз, деб умид қиламан. 23 март куни биз Владимир Путин билан минтақалараро учрашув ўтказишнинг муҳимлиги тўғрисида мулоқот қилдик. Афсуски, пандемия сабабли кейинга қолдирилди.

Имконият бўлса, ҳар қандай шаклда юзма-юз учрашишга келишиб олдик. Чунки бу жуда муҳим, – деди Давлат раҳбари.

Қасим-Жўмарт Тўқаев вакцинанинг кўшимча қисмини Қозғистонга юборишга ёрдам кўрсатгани учун Владимир Путинга миннатдорчилик билдирди.

– Яқинда мен Қозғистонда ишлаб чиқарилган «Спутник V» вакцинаси билан эмландим. Ҳукумат йўғилишини ўтказиб, аҳолини оммавий эмлашни тезлаштиришни топширдим. Бу вазифа, биринчидан, вакцинани бозорга етарли миқдорда етказиб бериш билан боғлиқ, иккинчидан,

эмлашнинг аҳамиятини аҳолига тушунтириш. Кўпчилик ушбу тадбирнинг аҳамиятини тўлиқ англаб етмаяпти. Албатта, бизда эмлаш – иллатдан сақланишнинг ягона йўли – бепул, – деди Президент.

Ўз навбатида, Сергей Лавров Президент Владимир Путиннинг саломи ва эътиборини етказди ҳамда Россия томони вакциналарни етказиб бериш масаласини ҳал қилишни таъкидлади.

Учрашув давомида икки томонлама ҳамкорликнинг асосий жиҳатлари, жумладан савдо-иқтисодий ва маданий-гуманитар алоқалар, фазо соҳасидаги кўшма лойиҳаларни янада ривожлантириш масалалари муҳокама қилинди.

– Кейинги ойда Евроосиё олий иқтисо-

дий кенгашининг йўғилишини видеоанжуман шаклида ўтказиш режаланган. Бу коронавирусдан кейинги эпидемияда ҳамкорлигимизни давом эттириш юзасидан биргаликдаги сазй-ҳаракатларимизнинг муҳим босқичидир.

Шунингдек, биз фазогир Юрий Гагарин парвозининг 60 йиллигини кенг нишонлаймиз. Бу бизнинг фазони тинч йўл билан ривожлантиришга қўшган умумий ҳиссамиз бўлади. Байқўнғирдаги ўзаро алоқаларни янада ривожлантириш ва Қозғистоннинг космик салоҳиятини ривожлантириш юзасидан қўшма лойиҳаларимиз жадал давом этмоқда, – деди Сергей Лавров.

Akorda.kz.



Ҳар гўшаси боғу бўстон бўлади

ВИЛОЯТДА 170 МЛН. ТУПДАН ЗИЁД КЎЧАТ ЎТҚАЗИЛАДИ

Қозғистоннинг маънавий пойтахтида бу йил янги боғлар пайдо бўлади. Бу масалани вилоят ҳокими Умирзақ Шўкеев ўз назоратига олган.

Бугунги кунга қадар Туркистонда 30га яқин иншоот ободонлаштирилди. Шаҳарсозлик талабларига зид равишда қурилган бинолар ўрнида замонавий иншоотлар, фавворалар ва спорт майдончалари барпо этилди. Энг муҳими, кўкаламзор ҳудудлари кенгайтирилиб, 2021-2025 йиллар мобайнида вилоят давлат ўрмон жамғармасига 170 миллиондан зиёд, минтақанинг шаҳарлари ва аҳоли манзилларида 1 млн.дан зиёд турли кўчатлар ўтказиш режаланган. Буни вилоят табиий захиралар ва

табиатдан фойдаланишни соzлаш бошқармаси раҳбари Қайрат Абдуалиев маълум қилди.

Ҳаво мўътадиллиги ва атроф-муҳит мусоффолигини таъминлашда фаввораларнинг аҳамияти катта. Шу боис, шаҳардаги боғ ва хиёбонлар, майдонларда ҳар йили замонавий фавворалар қуришга алоҳида эътибор қаратилмоқда.

Ботаника боғига хориждан келтирилган 2000 тупдан зиёд ноёб дарахт кўчатлари ўтказилди. Туркистоннинг буюк ўтмишига уйғун замонавий қиёфасини яра-

тишда янги бино ва иншоотлар қуриш билан бирга, ҳар бир туп дарахт ва гул кўчати экишга ҳам алоҳида масъулият, эътибор билан ёндошилмоқда. Эътиборлиси, бу ниҳоллар дастлаб хориждан келтирилган бўлса, бугун маҳаллий кўчатчилик ва гулчилик хўжаликларида етиштирилмоқда.

Республикада экологик вазиятни яхшилаш мақсадида 5 йил мобайнида ўрмон жамғармаси ҳудудида 2 млрд. тупдан зиёд, шаҳар ва қишлоқларда 15 млн. туп кўчат ўтказиш режаланган.

Вилоят минтақавий алоқалар хизмати.



ЖАМИЯТ ИСТИҚБОЛИНИНГ УСТУВОР ШАРТИ

**ТУРКИСТОН ВИЛОЯТИ МАМЛАКАТИМИЗДАГИ УЮШГАН
ЖИНОЯТЧИЛИК ДАРАЖАСИ ПАСТ БЎЛГАН БЕШ МИНТАҚАДАН БИРИ**

Ўтган йилнинг натижаларига кўра, маҳаллий ижро органлари ходимлари орасидаги уюшган жиноятчиликка оид ҳуқуқбузарликлар сони 33,7 фоизга камайди. «2015-2025 йилларда Қозоғистон Республикасининг Уюшган жиноятчиликка қарши кураш дастури»ни амалга ошириш ва «Яширин иқтисодиётга қарши курашга доир 2018-2020 йилларга мўлжалланган минтақавий ҳаракатлар режаси»га мувофиқ, коррупциянинг олдини олиш юзасидан тизимли ишлар олиб борилмоқда. Тадбирлар асосан унга барҳам бериш ва олдини олишга қаратилган. Бу ҳақда Туркистон вилояти ҳокими Ўмирзақ Шўкеев раислигида ўтган уюшган жиноятчиликка қарши кураш бўйича комиссиянинг навбатдаги мажлисида ахборот берилди.

Учрашувда Уюшган жиноятчиликка қарши кураш агентлиги раисининг маслаҳатчиси Жазира Жилқишиева, Агентликнинг Туркистон вилояти бўйича департамент раҳбари Ҳаким Қўшқалиев, «Парасат жолы» Республика маркази раҳбари, ёзувчи, жамоат арбоби Садібек Тугел, вилоят ҳокимининг ўринбосарлари ва бошқарма раҳбарлари иштирок этди.

Йиғилишда уюшган жиноятчиликка қарши кураш бўйича ҳудудий бошқармалар томонидан амалга оширилаётган чора-тадбирлар муҳокама қилинди. Шунингдек, Агентлик томонидан амалга оширилаётган лойиҳалар, қонунчиликдаги янгиликлар тўғрисида сўз юритилди.

– Тадбирни ўтказишдан мақсад – маъмурий қонунчиликка 5 апрелдан кучга кирган ўзгартиришларни тушунтириш. Ушбу ўзгаришларга мувофиқ, агар давлат органи раҳбари уюшган жиноятчиликнинг олдини олиш чораларини кўрмаса, унга жарима солинади. Ёки агар давлат ёки квази-давлат органи раҳбарлари илгари уюшган жиноятчиликда айбланиб, судланган фуқароларни иш билан таъминласа, улар ҳам жаримага тортилади. Жисмоний ёки ҳуқуқий шахсларнинг тадбиркорлик фаолиятига ноқонуний аралашгани ва улардан «совға» олгани учун ҳам жаримага тортилади. Умуман олганда, коррупциянинг олдини олиш билан боғлиқ бир неча дастак мавжуд. Таҳлил ва мониторинг олиб бориш керак. Биз таклифларни илгари суришимиз керак, – деди Жазира Жилқишиева.

Таъкидлаш жоизки, «Очқ бюджетнинг интерфаол харитаси» лойиҳаси доирасида Туркистон минтақасида 1352та давлат муассасаси ўз бюджетларини 100 фоиз очқ манбаларга жойлади. Барча туман, шаҳарлар ва вилоят бошқармаларида коррупция хатарлари бўйича 280та ички таҳлил ўтказилди. «Эшитувчи давлат» дастурини бир дарча тамойили асосида амалга ошириш учун вилоятнинг барча шаҳар ва туманларида хизмат кўрсатиш ҳокимликлари очилди. Вилоят туман ва шаҳар ҳокимликлари томонидан хизмат кўрсатиш шаклига ўтиш масалалари тўлиқ қамралди. Хизмат ҳокимликлари уй-жой қурилиши, ер муносабатлари, қишлоқ хўжалиги техникаси, ижтимоий ва тадбиркорликни қўллаб-қувватлаш соҳаларида хизматларни кўрсатади.

Шунингдек, Туркистон шаҳрида иккинчи фронт офис ва «Заковат маркази» очилди.

Шу билан бирга, Туркистон вилоятида давлат хизматларининг шаффофлиги ва очиқлигини таъминлаш мақсадида «Бошқармалар уйи» биносида «Очқ ҳокимлик» ташкил этилди. Бундан ташқари, Туркистон вилоятида аҳоли учун тўсиқсиз муҳит шакллантириш мақсадида 67та давлат муассасаси «Open space», яна 84та давлат муассасаси фронт-офис шаклида фаолият юритмоқда.

Таъкидлаш жоизки, лойиҳа давлат хизматларини рақамлаштиришга сезиларли даражада жўшқинлик берди. Минтақада рақамлаштириш даражаси 93 фоизга өтди. Халқаро андазаларга мувофиқ, бу кўрсаткич камида 90 фоиз бўлиши керак эди. Албатта, бу тадбирлар соҳада маиший уюшган жиноятчилик даражасини пасайтириш имконини бермоқда.

Минтақа раҳбари Президент томонидан берилган уюшган жиноятчиликка қарши курашни кучайтириш юзасидан кўрсатмалари доирасида олиб борилаётган ишлар, галдаги вазифалар ва устувор йўналишларга эътибор қаратди. Минтақавий тадбирлар режасига мувофиқ ва коррупциянинг олдини олиш мақсадида амалга оширилаётган ишларнинг аҳамияти таъкидланди.

– Жиноятни жазолашдан кўра, унинг олдини олиш тадбирларининг йўлга қўйилиши қай даражада оқилоналиги аллақачон исботланган. Департамент коррупциянинг олдини олишга алоҳида эътибор қаратиб, аниқ натижаларга эришмоқда. Натижада у барча кўрсаткичлар бўйича республикада пешқадам. 12 ой давомида уюшган жиноятчиликнинг умумий даражаси ўтган йилга нисбатан 33,7 фоизга камайди.

Бугунги кунда коррупцияга қарши кураш мақсадларига фақат жиноят-ҳуқуқий воситалар билан эришиб бўлмастлигини ҳаётнинг ўзи кўрсатмоқда. Ўйлаймизки, унга курашда нафақат давлат органлари, балки, жамият ва умуман барча фуқароларимиз масъулдирлар. Шундай экан, давлат ва жамият бундай иллатни олдини олиш ва унга қарши курашда ҳамжиҳатликдаги ҳаракатигина самарали натижаларга эришишнинг энг мақбул йўли бўлиб ҳисобланади. Бу йўналишда ишлар давом этади, – дея таъкидлади вилоят ҳокими.

20 МИНГДАН ЗИЁД ОДАМ ЭМЛАНДИ

Туркистон вилоятида Covid-19 инфекциясига қарши 20936 одам эмланди. Уларнинг 13887 нафари тиббиёт ходимлари, 5407 нафари муаллимлар. 600га яқин одам ҳуқуқни муҳофазалаш органлари ходимлари ва 500 нафар турли гуруҳдаги фуқаролардир.

Эпидемиологик аҳволни эътиборга олиб, апрель ойида ўз ихтиёри билан эмланишга ният билдирганларнинг сони ошган. Ҳозир эмланганлар шифокорлар назоратида.

Вилоятда иккинчи компонент билан эмлаш учун 10 мингга яқин вакцина олинди. Ёдингизда бўлса, эмлаш турли тоифа бўйича босқичма-босқич амалга ошмоқда. Инфекцияга қарши эмлаш ишлари шаҳардаги 65та даволаш муассасасида юритилмоқда. Вакцина бепул ва эмлаш ихтиёрий.

Туркистон вилоятида 13 кишида ковид хасталиги аниқланди. Бир кеча-кундуздаги ўсиш 0,28 фоизни ташкил этади. Вилоятда пандемия бошланганидан буён 600 мингга яқин ПЗР тестлари олинган.

Лабораторияларда бир кеча-кундузда 3 минг одам текширилган. Пандемия бошланганидан буён вилоятда инфекция тасдиқланган 4598 ҳолат рўйхатга олинди. Бугунги кунда вилоят яшил ҳудудда.



ИНТИЛГАННИНГ ҚЎЛИ БАЛАНД

«Болашақ» дастури доирасида Туркистон вилоятдан 100га яқин ўқитувчи ва шифокор ҳужжат топширди ва тест синовларидан ўтди.

Номзодлар танловнинг 3 босқичидан, шу жумладан қозоқ тили, тест синовлари ва соҳа бўйича онлайн мулоқотдан ўтдилар. Имтиҳон натижаларига кўра икки фуқарога стипендия тақдим этилди.

Туркистон марказий шаҳар касалхонаси жарроҳи Абай Туймөбаев ва Сариағаш туман марказий касал-

хонаси жарроҳи Бауржан Ўспанов 3 ой давомида Хайфа шаҳридаги Исроил таълим муассасасида таҳсил олишади.

Туркистон шаҳри ҳокими Рашид Аюпов «Болашақ» дастури доирасида ўқиш имкониятига эга бўлган талабаларни қабул қилди ва уларга муваффақият тилади.

ОЗИҚ-ОВҚАТ МАҲСУЛОТЛАРИ НАРХЛАРИ НАЗОРАТДА

Туркистон вилояти ҳокимлигида ўтган девон йиғилишида ижтимоий аҳамиятга молик озиқ-овқат маҳсулотлари нархларини барқарорлаштириш масаласи муҳокама қилинди.

Унда вилоят ҳокимлиги ва йирик товар ишлаб чиқарувчилар: «Яссы қўс», «Асан ата», «Береке» МЧБ ўртасида меморандум имзоланди.

Ушбу битимга кўра, энди товар ишлаб чиқарувчилар вилоят ички бозорида ижтимоий аҳамиятга молик озиқ-овқат маҳсулотларининг нархини асоссиз кўтармаслик шартини бажаришади.

Вилоят ҳокимининг ўринбосари М. Мирзалиев раислигида ўтган йиғилишда қишлоқ хўжалиги маҳсулотларини етиштирувчилар, савдо марказлари соҳиблари, новвойхона, бозорларнинг раҳбарлари иштирок этишди.

Мажлисида йил бошидан буён туман ва шаҳарларда озиқ-овқат маҳсулотлари нархлари ўсиб бораётгани ҳақида айтилди.

Кентов шаҳридаги паррандачилик фермаси раҳбарияти («Яссы қўс») тухум нархи пасайганини маълум қилди. Чунончи, йил бошида 1-навли тухум донаси 44 тенгедан сотилган бўлса, айни пайтда – 38 тенге.

Бундан ташқари, яқин кунларда барқарорлаштириш жамғармаси

учун 350 тонна кунгабоқар мойини сотиб олиш режаланмоқда.

Шунингдек, туман, шаҳар ҳокимликлари ва «Туркистон» ИТК ташкилотчилигида байрам ва дам олиш кунлари аҳолига мақбул баҳода ярмарка ўтказилмоқда. Қолаверса, Туркистон шаҳри ҳудудидаги 13та ижтимоий дўкон ва 5та йирик супермаркетда ун, қанд, картошка, сабзи, пиёз, гуруч, макарон, туз арзон нархда сотилмоқда.

Вилоят рақобатни ҳимоя қилиш ва ривожлантириш департаменти маълумотларига кўра, озиқ-овқат маҳсулотлари баҳосини асоссиз кўтарган товар ишлаб чиқарувчиларга тегишли кўрсатмалар берилган. Улар бажарилмаса, қонун доирасида тергов-текширув ишлари бошланади.

Мутасадди бўлим раҳбарларига нарх-навонинг кўтарилиб кетмаслигини таъминлашга оид топшириқлар берилди.

**Вилоят ҳокимининг
матбуот хизмати.**

● Тайинлаш

АРИС ШАҲРИДА – ЯНГИ ҲОКИМ

ҚР Президенти Маъмуриятининг розилиги, Арис шаҳар маслаҳати депутатларининг қўллови билан, Арис шаҳрининг ҳокими этиб Гулнар Мамитқизи Қурманбекова тайинланди. Янги ҳокими шаҳар фаолларига шахсан таништирган Ўмирзақ Естайули унинг келгусидаги ишларига муваффақият тилади.



Г. Қурманбекова 1965 йили Ўтрор туманида дунёга келган. Меҳнат фаолиятини Шаулдир автотранспорт муассасаси кассир сифатида бошлаган. 2010-2020 йилларда Шимкент шаҳрининг иқтисодиёт ва молия бўлимининг бошлиғи, Шимкент шаҳар

ҳокимининг ўринбосари вазифасини бажарди. 2020 йилдан буён Туркистон вилояти ҳокимининг иқтисодиёт, молия масалалари бўйича маслаҳатчиси бўлди.

Вилоят ҳокимининг матбуот хизмати.

УЧ ЭГИЗАКНИНГ ЖОНИ ОМОН ҚОЛДИ

3-сонли вилоят перинатал маркази шифокорлари чала туғилган уч нафар эгизакнинг ҳаётини сақлаб қолишди. Норасидаларнинг вазни атиги 1,5 килодан бўлиб, улар 40 кун давомида туғруқхона ходимлари томонидан парвариш қилинди. Уч фарзандли бўлган ёш она шифокорлардан беҳад миннатдор.

Муддатидан аввал, чала туғилган чақалоқлар жонлантириш бўлимида сақланди.

“10 март куни дунёга келган гўдаклар 10 кун давомида жонлантириш бўлимида сақланди. Дастлабки кунларда вазни 1,480, 1,180 ва 1460 гр. бўлган эди. Ҳозир уларнинг аҳволи яхши, уйига чиқишига руҳсат бердик”, деди перинатал марказ шифокори Гулайша Ерназарова.

Дарвоқе, ўтган йили вилоят перинатал марказида 9793 нафар чақалоқ дунёга келди. Йил бошидан буён 2652 чақалоқ туғилди.

Вилоят ҳокимининг матбуот хизмати.

САККИЗ ЙИЛ КУТИЛГАН БАХТ



Туркистон ва Кентов шаҳарлари бўйича махсус муҳбир Шомирза Мадалиевдан олинган хабар ҳам мана шу уч нафар эгизак ҳақида.

Туркистон шаҳридаги 3-сонли вилоят перинатал марказда уч эгиз дунёга келди. Қорачиқлик Сардор ва Динора Муҳитовалар оиласи фарзандларига Хадича,

Фотима, Зухра деб исм қўйишди. Таъкидлаш жоиз, саккиз йил муқаддам турмуш қурган ёшлар мана шу саодатли кунларни сабр билан кутишган эди.

Уч эгизакнинг аҳволи яхши. Бир йўла учта фарзанд отаси бўлган Сардор Туркистон шаҳридаги “Ақ жол” кўп соҳали корхонасида меҳнат қилади.



ФАҲРИЙ ЖУРНАЛИСТНИНГ 80 ЙИЛЛИГИ НИШОНЛАНДИ

Қозғоғистон Республикасининг маънавий пойтахтида мамлакатимизнинг фахрий журналисти, Туркистон вилояти ҳамда Байдибек туманининг фахрий фуқароси Байдулла Қўнисбекнинг 80 йиллигига бағишланган тантанали тадбир ўтди.

Юбилей Туркистон вилоят ижтимоий тараққиёт бошқармаси ва Қозғоғистон Журналистлари уюшмасининг вилоят бўлими томонидан ташкил этилди. Унда вилоят ҳокимининг ўринбосари Саен Қалқаманов, Х. А. Ясавий номидаги халқаро университет ректори Жанар Темирбекова, вилоят ижтимоий тараққиёт бошқармаси раҳбари Дамир Жунисов, вилоят Жамоатчилик кенгаши раиси Шарипбек Жамалбек, ёзувчи, «Алаш» ва «Туркий оламга кўрсатган хизмати учун» халқаро мукофотлари лауреати Марха-

бат Байғут, Туркистон вилоятининг зиёлилари, Қизилўрда, Жамбил вилоятлари ҳамда ахборот соҳаси вакиллари иштирок этди.

Қозғоғистон Журналистлари уюшмасининг Туркистон вилоят бўлими раиси, вилоят маслаҳати депутати Ғалимжан Елшибай фахрий журналистнинг ҳаёти ва ижоди ҳақида сўзлаб берди. Вилоят ҳокимининг ўринбосари минтақа раҳбари Ўмирзақ Шўкеев номидан табрик хати тақдим этиб, миллий журналистика фидойисини табриклади.

– Дунёни қамраб олган пандемияга қарамай, бугунги ҳамкасбларингиз ва замондошларингиз қутлуғ айёмингиз билан табриклаш учун келишди. Ўйлайманки, бу алоҳида эҳтиром ва ҳурмат рамзидир, – деди С. Қалқаманов.

Тадбир оммавий ахборот воситалари вакиллари ўртасида билъярд бўйича минтақавий мусобақа билан давом этди. Унда Туркистон, Жамбил, Қизилўрда вилоятлари ва Шимкент шаҳридан 30га яқин ОАВ вакиллари иштирок этди. Таниқли ҳакам Абдуғай Бекжанов ўйинларга ҳолис баҳо берди. Энг яхши ўйинчиларга махсус диплом ва пул мукофотлари топширилди.

Вилоят ҳокимининг матбуот хизмати.

● Тадбиркор – элга мададкор

Ўранғай қишлоғига навбатдаги сафаримизда унинг марказидаги замонавий эшик, турли жиҳозлар ишлаб чиқарилаётган цех фаолияти билан танишдик.

Тадбиркор Иқбол Ҳабибулла ўғли ташкилотчилигида бунёд этилган, замонавий дастгоҳлар ўрнатилган ушбу корхонада бежирим эшик ва турли жиҳозлар ишлаб чиқариш йўлга қўйилган. Бундай эшиклар янги уй қураётган ўранғайликлар учун аниқ муддао – олисдан эмас, ўз қишлоғида харид қилиш имконияти мавжуд.

Ҳамроҳимиз, нафақадаги таниқли спорт устаси Тойир Тойжонов ушбу жиҳозлар сифатига ижобий баҳо берди.

Ш. МАДАЛИЕВ.
Муаллиф тасвири.

ЎРАНҒАЙДА ИШЛАБ ЧИҚАРИЛГАН



Бадали, Симбат!

Шимкент шаҳар таълим бошқармасига қарашли Аграр-техника коллежи талабаси Симбат Нишанбаева республика танловида 1-ўринни эгаллади.

5 февраль ва 10 март оралиғида Ақтўбе вилоят ёшлар ва болалар ташкилотлари ҳамжамияти ташкилотчилигида “Коллеж гўзали – 2021” танлови ўтказилди. Унда Шимкент шаҳридаги коллежлар орасидан Шимкент аграр-техника коллежининг 2-босқич талабаси Симбат Нишанбаева иштирок этди.

Танлов натижасига кўра, Шимкент аграр коллежининг “Махсус тикувчилик” мутахас-



сислиги бўйича 2-босқич талабаси Симбат Нишанбаева барча шартларни аъло даражада бажариб, 1-ўринга лойиқ топилди.

Ташкилотчилар ғолиб ва совриндорларни ташаккурнома ва қимматбаҳо совғалар билан тақдирлади.

Хуршид ҚўЧҚОРОВ.



БУЮК ДАШТНИНГ ЕТТИ ҚИРРАСИ

● Мусохаба

ТУРКИСТОННИНГ ТАРИХИ КУЛТЎБЕДАН БОШЛАНАДИ

Култўбе – замонавий Туркистоннинг бешигидир. Тарих сирларини пинҳон тутган ушбу муқаддас даргоҳга нафақат қозоғистонлик, балки жаҳон олимлари ҳамжамияти қизиқиш билдирмоқда.



Ҳозирги кунда ушбу қадимий харобани ўрганиш ишлари Евроосиё гуруҳи (ERG) молиявий кўмағида Қозоғистон илмий-тадқиқот маданият институти ходимлари томонидан олиб борилмоқда. Алкей Марғулан номидаги археология институти директори, Миллий Фанлар академиясининг академиги Бауржан Байтанаев билан «Казинформ» муҳбири К. Павлов суҳбати ушбу Култўбенинг махсус археологик ёдгорлик мақоми билан ҳам боғлиқ эди.

– Бауржан Абишўғли, саволимизни ҳозирда Қозоғистонда олиб борилаётган археологик тадқиқотлар жойлари ҳақидаги суҳбатдан бошласак...

– Умуман олганда, бундай тадқиқотлар Қозоғистоннинг деярли барча ҳудудини қамраб олади. Ҳар йили баҳорда экспедициялар Жанубий, Шарқий, Шимолий, Ғарбий ва Марказий Қозоғистонга юборилади. Жанубда археологлар Туркистоннинг Култўбе қалъаси каби муҳим археологик жойда, шунингдек, Ўтрор ва Исфижоб сингари муҳим археологик жойларда кенг қамровли ишлар олиб боришмоқда. Қоратов тоғи ёнбағирларидаги турли тепаликлар, харобалар ва қадимий аҳоли манзиллари ўрганилмоқда. Марказий Қозоғистонда Тасмўла ва Андронов маданияти ёдгорликлари, Ғарбда Сармат тамаддуни ёдгорликлари ўрганилмоқда. Археологлар Берел маданияти (Алтайнинг дастлабки кўчманчилари), турклар ва Саклар тамаддуни ёдгорликларига ҳам эътибор қаратишди. Фақатгина кенг археологик тадқиқотлар натижасида биз ўтмишимиз сирларини очиб бера оламиз.

– Хўш, ўрганилаётган ушбу тарихий жойлардан қайси бирини алоҳида таъкидлаган бўлардингиз?

– Албатта, ҳар бир археологик майдоннинг ўзига хос хусусиятлари бор. Шу билан бирга, мен Култўбе харобасидаги кенг кўламли археологик қазилма ишларини алоҳида таъкидламоқчиман. Бу – ҳозирги кунда Қозоғистондаги пастки қатламлари тўлиқ ўрганилган ягона археологик жой. Шу тўғрисида биз унинг икки минг йил муқаддам қандай бўлганлиги ҳақида аниқ тасаввурга эга бўлдик. Култўбеда очилган янгиликлар ўша пайтдаги меъморчилик, хусусан, диний биноларда янги нуктаи назар яратади. Таниқли қозоқ археологи, Ербўлат Смағулов (марҳум) хоч шаклидаги тузилмани топиб ўрганган эди. Шундай қилиб, тузилмаларнинг бундай жойлашуви қадимги даврлардан бошланганлиги аниқланди. Бир пайтлар Сирдарёнинг қуйи оқимида милоддан аввалги III-II асрларда қадимий шаҳар маданияти мавжуд эди. Агар Амударё бўйида Юнон – Бақтрия давлати ва Буюк Александрнинг авлодлари – Селевкилар давлати ҳукмронлик қилган бўлса, Сирдарё бўйида массагетлар, даис, дахс ва бошқа қабилалар яшаган. Милоддан аввалги II асрда Сирдарёнинг пастки қисмидаги оқим юқорига кўтарилди. Натижада, унинг бўйидаги шаҳарларнинг ҳаёти тўхтади ва аҳоли Сирдарёнинг юқори оқимига ўтиб, яшаш ва деҳқончилик қилиш учун мос жойларни излай бошлади. Қадимги меъморчилик хусусиятларига эга бўлган шаҳарларнинг режаси шу тарзда пайдо бўлди. Хусусан, Туркистонда бошланган Култўбе шаҳарчаси худди шу

тарзда пайдо бўлган, деб тахмин қилишимиз мумкин. Лекин, менимча, Туркистоннинг илдизи бундан ҳам қадимги даврларга бориб тақалади. Милоддан аввалги иккинчи минг йилликнинг ўрталаридан бошлаб бу ерда Андронов маданияти қабилалари муқим яшаган. Бунинг исботи – Туркистон ҳудудида ушбу маданиятга тегишли қабристонлар бўлган. Шу сабабли, шаҳарда қадимий аҳоли манзилларининг асосларини топишгина қолади.

– Сиз айтаётган археологик ёдгорлик қанчалик муҳим? Унинг аҳамияти нимада?

– Култўбе харобасини ўрганиш – Туркистон тарихи биз ўйлагандан ҳам теран эканлиги тўғрисида аниқ хулоса чиқаришга имкон берди. Умуман олганда, Туркистоннинг ёши тўғрисида сўралганда собиқ Шўролар давридаги маълумотлардан фойдаланилганлиги маълум. Шу билан бирга, Ербўлат Смағулов илмий тўпламда «Туркистон неча ёшда?» деган мақола чоп этган эди. Олим қазилма ишларида топилган сопол буюмлар ва турли ёзма маълумотларни таҳлил қилди. Сўнг Туркистон V асрда пайдо бўлди, демак шаҳар 1500 ёшда эканлигини англатади дея эълон қилди. Шунга асосланиб, 2000 йилда Туркистон ўзининг 1500 йиллигини нишонлади. Таъкидлаш жоизки, бу шўролар давридаги тадқиқот хулосаларига асосланган, жиддий изланишларсиз эълон қилинган сана эди. Туркистоннинг юбилейидан сўнг, 2004 йилда Элбоши ташаббуси билан «Маданий мерос» дастури доирасида тадқиқот ўтказилди. Харобани ўрганиш натижасида Туркистон шаҳрининг ёшига муносабат ўзгарди ва энди биз унинг камида 2200 ёшда эканлигини ишонч билан айтишимиз мумкин. Шаҳарнинг пойдевори бундан ҳам олдинроқ қўйилган бўлиши мумкин.

– Уч йилдан буён Култўбе қалъасидаги илмий тадқиқотларни Қозоғистон илмий-тадқиқот маданият институти олимлари олиб боришмоқда. Улар археологик тадқиқотлар доирасида қисман тиклаш, этно-ижтимоий ва маданий тадқиқотларни ўз ичига олган мажмуавий тадбирларни ҳам амалга оширишмоқда. Уларнинг фаолиятини қандай баҳолайсиз?



– Ҳамкасбларим томонидан амалга оширилаётган лойиҳа хусусий сармоядор томонидан молиялаштирилганлигини таъкидлашни истардим. Иккинчидан, илм-фан нафақат давлат томонидан, балки йирик бизнес томонидан ҳам қўллаб-қувватланаётганидан жуда хурсандман. Бу Қозоғистонда илмга ажратилган биринчи сармоядир. Умуман олганда, Қозоғистон илм-фан ва археологиясини ривожлантиришга кўпроқ ишбилармонларни жалб қилиш керак деб ўйлайман. Лойиҳага келсак, унинг ўзига хослиги бу мустақил Қозоғистон тарихидаги дастлабки йирик археологик қазилмадир. Илгари, жуда кўп куч ва маблағ талаб этадиган бундай экспедициялар фақат Совет Иттифоқи даврида бўлган. Тўғри. Муболаға қилмайман. Ҳатто уни Тожикистонда археологик тадқиқотлар олиб борган Панжикент экспедицияси ва шўролар давридаги кенг кўламли Ўтрор экспедицияси билан таққослаш мумкин. Култўбеда 30 гектардан зиёд ерлар қазиб олинмоқда ва биз шаҳарнинг асрлар муқаддам қандай қиёфага эга бўлганлигидан воқиф бўлдик. Тарихий жойларни сақлаш ва қисман илмий қайта тиклаш каби муҳим ишлар ҳам олиб борилмоқда. Барча археологик тадбирлар ЮНЕСКО андазаларига мувофиқ амалга оширилмоқда.

Андазаларга мувофиқ, агар тарихий жойнинг сақланиш даражаси 70 фоиздан кам бўлса ва унинг тасвири туширилган фотосуратлар ва чизмалар бўлмаса, у тикланмайди, аксинча сақланиб қолади. Агар тасдиқловчи ҳужжатлар мавжуд бўлса, бу жойда илмий қайта тиклаш тадбирлари амалга оширилади. Бу ерда Туркистондаги Верещегин ва Приоровнинг фотосуратлари ва Вележовнинг XIX асрдаги шаҳар тасвирланган расмлари мавжуд. Шу сабабли, мутахассислар ушбу ҳужжатлар ёрдамида ўша даврдаги тарихий жойларни тиклашлари мумкин. Менимча, бу зарур. Сайёҳлар ўша пайтдаги кўчаларда сайр қилишни ва шаҳар аҳолиси қандай яшаганлигини билишни истайди.

– **Култўбеда амалга оширилган илмий-тадқиқот лойиҳасининг асосий мақсади – очик ҳавода «Култўбе шаҳарчаси» археологик паркни барпо этиш. Унинг имкониятларини қандай баҳолайсиз?**

– Менимча, бу сайёҳлар учун жуда қизиқarli жой бўлиши мумкин. Замонавий сайёҳлик учун ҳар қандай тарихий жойнинг пайдо бўлиши ҳақидаги қуруқ сўзлар етарли эмас. Сайёҳлар ҳақиқий археологик далилларни кўришга, қадимий кўчаларда юришга, қадимий уйлар ва ибодатхоналарга ташриф буюришга қизиқишмоқда. Бу Култўбедаги сайёҳларга берилган имконият. Элбоши Нурсултан Назарбаев “Шаҳар тарихи бутун қозоқ халқи учун муҳим қарорлар қабул қилинган Култўбедан бошланди”, деган эди. Дарҳақиқат, Култўбеда ўтказилган илмий тадқиқотлар жуда муҳимдир. Бу улкан Евроосиё халқлари маданиятларининг уйғунлашуви ва ўзаро таъсир жараёнларини ўрганишнинг асосий ёдгорлиги бўлган Туркистоннинг мавқеини янада мустаҳкамлайди ва кўпроқ сайёҳларни жалб қилиш имконини беради. Мухтасар қилиб айтганда, тарихий жойларни уларни сақлаб қолиш муҳимдир. Култўбенинг меъморчилиги тажовузкор муҳитга дош беролмайди, шунинг учун парк доимий ғамхўрликка муҳтожлиги аниқ. Шу муносабат билан Қозоғистон илмий-тадқиқот институти Култўбедаги илмий-тадқиқот ишлари билан бир қаторда тарихий ёдгорликларни сақлаш ва қисман илмий қайта тиклаш билан шуғулланаётгани қувонарлидир. Очик осмон остидаги паркни ободонлаштиришда маҳаллий ижро органлари иштирок этмоқда. Илгари сайёҳлар ва зиёратчилар Туркистонга фақат Хожа Аҳмад Яссавий мақбарасини зиёрат қилиш учун ташриф буюришган, аммо келажакда улар Қозоғистоннинг энг қадимги шаҳри жойлашган жойни кўриш имконига эга бўлишади.

– **Сухбат учун ташаккур!**


Казинформ.



Туркистон шаҳрида Юсуф ота мақбараси қошида музей ва ҳомийлар ҳисобидан “Ташриф маркази”-нинг қурилиши бошланиб, пойдеворига вақт капсуласи қўйилди.

Зиёратчиларга мўлжалланган бинонинг тамал тошини қўйишга бағишланган тадбирда “Ҳазрат Султон” давлат тарихий-маданий мақбара-музейининг директори Нурбўлат Ахметжанов, хусусий тадбиркор, ҳомий Раҳматжон Абдусатторов, Эски Иқон қишлоғининг бир гуруҳ аҳолиси ва

кўрсатиш мақсадида музей томонидан қатор ишлар амалга оширилмоқда. Мустақилликнинг 30 йиллиги арафасида Юсуф ота мақбарасида қад ростлаётган “Ташриф маркази” ўз навбатида Туркистон заминида келадиган сайёҳларга зарур шароитларни яратиб,



Юсуф ота авлодлари иштирок этишди.

– Қозоғистон Республикаси Тўнғич Президенти – Элбоши Нурсултан Назарбаевнинг “Келажакка йўлланма: маънавий янгиликлар” ва “Буюк Даштнинг етти қирраси” дастурий мақолаларида белгиланган вазифалар асосида минтақамиздаги тарихий масканларга ташриф буюрган сайёҳларга сифатли хизмат

сайёҳлик соҳасини ривожлантиришга ижобий таъсир кўрсатиши шубҳасиз. Зиёратчилар учун ушбу марказни барпо этаётган ҳомий – тадбиркор Раҳматжон Абдусатторовга алоҳида миннатдорчилигимни билдираман, – деди “Ҳазрат Султон” давлат тарихий-маданий мақбара-музейининг директори Н. Ахметжанов.

Қурилиш соҳаси мута-



хассисларининг фикрича, марказ 4 хонадан иборат бўлиб, унинг атрофи ҳам ободонлаштирилади. Тарихий маълумотларга кўра, Юсуф ота узумнинг ўзгача турларини етиштирган, унинг сеvimли ишини жонлантириш мақсадида ушбу меванинг 12 нави ўтқазилиб, махсус боғ барпо этилади. Бу эзгу ишни ҳам Раҳматжон Абдусатторов амалга оширади.

Тарихий маълумотларга кўра Юсуф ота Аҳмад Яссавийнинг замондоши

ва жияни, ҳам шогирди бўлганлиги айтилган. Унинг мақбараси Туркистон шаҳридан 25 чақирим жойда – Эски Иқон аҳоли манзилида жойлашган.

Маҳаллий аҳамиятга молик ёдгорликда 2005 йили археологик тадқиқотлар юритилиб, қурилиш пойдевори XV асрда барпо этилгани аниқланган эди.

“Ҳазрат Султон” давлат тарихий-маданий кўриқхона-музейининг матбуот хизмати.



КУЛТЎБЕ ҚАЛЪАСИ: ТАРИХ ВА КЕЛАЖАК

КУЛТЎБЕ ҚАЛЪАСИНИ ТИКЛАШ МАСАЛАРИ МУҲОКАМА ҚИЛИНДИ

Қозоғистон Республикаси Маданият ва спорт вазирлигининг «Ҳазрат Султон» давлат тарихий-маданий кўриқхона-музейида уюштирилган тадбир «Култўбе қалъасидаги тарихий иншоотларни тиклаш» илмий-тадқиқот лойиҳасининг ижросига бағишланди.

«Ҳазрат Султон» давлат тарихий-маданий кўриқхона-музейи директори Н. Ахметжанов ўтказган учрашувда Қозоғистон илмий-тадқиқот маданият институти директори А. Хазбулатов, ушбу институтнинг илмий ходими М. Шайғўзова, Алкей Марғулан номидаги археология институти директори, Миллий Фанлар академиясининг академиги, тарих фанлари доктори Б. Байтанаев, Марказий Осиё тадқиқотлари халқаро институти директори Д. Воякин, археолог, олимлар М. Туяқбаев, А. Ержигитова, кўриқхона-музей директорининг ўринбосарлари иштирок этди.

Учрашув давомида улар 2021 йилга қадар Култўбе қалъасидаги тарихий иншоотни тиклашга доир илмий режани ишлаб чиқиш, истиқболли



сайёҳлик йўналишларни тайёрлаш ва қайта тикланган иншоотларни давлат тарихий-маданий кўриқхона-музейи тасарруфига ўтказиш каби долзарб масалалар муҳокама қилинди.

Учрашувда Ўрта асрлар ёдгорлиги – Култўбе қалъасининг сайёҳлик

истиқболли, археологик тадқиқотлар натижасида кашф этилган, тиклаш ишларини талаб қиладиган янги иншоотлар юзасидан муҳим қарорлар қабул қилинди.

«Жанубий Қозоғистон» мухбири.

13 АПРЕЛЬ – РАМАЗОН ОЙИНИНГ БИРИНЧИ КУНИ

Қозоғистон мусулмонлари диний бошқармасининг раиси, Бош муфти Науризбай ҳожи Тағанулининг **МУРОЖАТИ**



Меҳрибон ва раҳмли Аллоҳнинг номи билан бошлайман! Аллоҳ Таолога беадад шукрлар, ҳамду санолар бўлсин. Пайғамбаримиз Муҳаммадга Аллоҳнинг саловати ва саломлари бўлсин!

Ҳурматли жамоат!

Барчангизни ўн икки ойнинг султони – муқаддас Рамазоннинг бошланиши билан чин қалбимдан муборақбод этаман! Оилаларингизга бахт-саодат ва файзу барака тилайман!

Қодир Аллоҳ ихлос билан тутган рўзамизни, қилган ибодатларимиз ва савобли амалларимизни кўпайтирадиган баракотли ойда, узрли сабаблар билан рўза тутмайдиган инсонларнинг дуоларини қабул қилгай!

Бугунги кунда диний бошқармаимиз «Эҳсон илми»ни кенгроқ тарғибот қилиш билан шуғулланиб келади. Эҳсон – араб тилида бир қанча маънони англатади. Масалан, “аъло даражада амалга оширмақ”, “яхшилиқ қилмақ” каби. Эҳсон (яъни яхшилиқ) бандадан бўлиб, у Аллоҳ таоланинг ибодатини астойдил бажаришдир.

Бундан кўриниб турибдики, тақводорлик, бир-биримизга ўзаро саховат кўрсатиш, солиҳ амаллар, неъматларни исроф қилмаслик, покланиш эҳсон илмини ҳосил қилар экан.

Барчамизга ушбу қутлуғ ойда гуноҳ ишлардан покланиб, маънавий камолот – эҳсонга етиш насиб этсин!

Минг таассуфки, бу йил ҳам муқаддас ойни пандемия шароитида ўтказамиз. Юқумли ва хатарли дардга гирифтор

Рамазон ойи муборақ бўлсин!

бўлмаслик учун ифторлик пайтида, ибодат чоғида санитария қоидаларига риоя қилишни ёддан чиқарманг.

Саломатлик – бебаҳо бойлик, Аллоҳнинг берган омонати. Шунинг учун ёши олтмишдан ошган отахон ва онахонларимизни рўза тутишдан аввал тиббий кўрикдан ўтиш ва шифокор маслаҳатини олишга даъват этаман. Қариялар ва балоғат ёшига етмаганлардан вазият барқарорлашгунча масжидга бормасликларини ва жамоат бўлиб намоз ўқимасликларини сўрайман.

Қозоғистон мусулмонлари диний идораси Рамазон ойида онлайн тарзда хутбалар, савол-жавоблар ўтказишни давом эттиради. Қўрьон тиловат қилиш маросимлари ҳам масофадан ўтказилади. Сиз ўзингизни қизиқтирган саволларга интернет орқали жавоб олишингиз, онлайн ташвиқотларни тинглашингиз ва хайрли ишларни уйингиздан чиқмасдан оқ амалга оширишингиз мумкин.

Мавжуд вазиятни ҳисобга олган ҳолда, биз яна бир бор ўтган йили бошлаган лойиҳамизни давом эттирамиз, яъни онлайн равишда садақа беришнинг энг яхши усулини таклиф қиламиз.

Ҳурматли жамоат!

Сизни пандемия пайтида ниҳоятда эҳтиёт бўлишга, одам кўп тўпланадиган жамоат жойларга бормасликка, рўза тутганда тўғри овқатланишга, иш тартибини меъёрга солиш ва иложи борича, соғлигингизга эҳтиёт бўлишга чақираман.

Муқаддас ойда хайрия ва садақа қилишни истаганларга айтмоқчиман: ифторлик қутилари кўнгиллилар ёки масжид ходимлари орқали етказиб берилади.

Рамазон ойида идорамиз мунтазам равишда санитария талабларига жавоб берадиган хайрия тадбирларини амалга оширади.

Барчангизни хайрли ишларга ўз ҳиссангизни қўшишга чорлайман!

Аллоҳ Таоло ният ва амалларимизни қабул қилсин ва барчамизни Рамазондан Рамазонга бехатар етказсин.

Роббимиз ер юзидаги вабони йўқ қилсин, халқимизни омон сақласин, юртимизни тинч-осуда қилсин! Омийн!

ШИМКЕНТ ШАҲРИ БЎЙИЧА 2021 ЙИЛГИ РЎЗА ТУТИШ ЖАДВАЛИ

Апрель, май ойлари	Рамазон ойининг кунлари	Ҳафта кунлари	Саҳарлик вақти	Ифторлик вақти
13.	1.	Сешанба	05:22	20:04
14.	2.	Чоршанба	05:20	20:05
15.	3.	Пайшанба	05:19	20:06
16.	4.	Жума	05:17	20:07
17.	5.	Шанба	05:15	20:08
18.	6.	Якшанба	05:13	20:09
19.	7.	Душанба	05:11	20:11
20.	8.	Сешанба	05:09	20:12
21.	9.	Чоршанба	05:07	20:13
22.	10.	Пайшанба	05:05	20:14
23.	11.	Жума	05:04	20:15
24.	12.	Шанба	05:02	20:16
25.	13.	Якшанба	05:00	20:17
26.	14.	Душанба	04:58	20:18
27.	15.	Сешанба	04:56	20:20
28.	16.	Чоршанба	04:54	20:21
29.	17.	Пайшанба	04:53	20:22
30.	18.	Жума	04:51	20:23
01.	19.	Шанба	04:49	20:24
02.	20.	Якшанба	04:47	20:25
03.	21.	Душанба	04:46	20:26
04.	22.	Сешанба	04:44	20:27
05.	23.	Чоршанба	04:42	20:28
06.	24.	Пайшанба	04:40	20:30
07.	25.	Жума	04:39	20:31
08.	26.	Шанба	04:37	20:32
Муқаддас Лайлатул -Қадр тунида Қўрьони Каримнинг илк оятлари тушган. Дуо, тилаклар қабул бўладиган тун.				
09.	27.	Якшанба	04:36	20:33
10.	28.	Душанба	04:34	20:34
11.	29.	Сешанба	04:32	20:35
12.	30.	Чоршанба	04:31	20:36

САҲАРЛИК (ОҒИЗ ЁПИШ) ДУОСИ:
Навайту ан асума совма шаҳри рамазона минал фаҳри илал мағриби, холисан лиллаҳи таъала. Аллоҳу акбар!
Маъноси: Рамазон ойининг рўзасини субҳдан то кун ботгунча тутмоқни ният қилдим. Холис Аллоҳ учун. Аллоҳ буюқдир.

ИФТОРЛИК (ОҒИЗ ОЧИШ) ДУОСИ:
Аллоҳумма лака сумту ва бика аманту ва аълайка таваккалту ва аъла ризқиқа афтарту, фағфирли йа ғоффару ма қоддаму ва ма аххорту.
Маъноси: Эй Аллоҳ, ушбу Рўзамни Сен учун тутдим ва Сенга иймон келтирдим ва Сенга таваккал қилдим ва берган ризқинг билан ифтор қилдим. Эй гуноҳларни афе қилгувчи Зот, менинг аввалги ва кейинги гуноҳларимни мағфират қилгин.

Савол-жавоблар учун
Call-Марказ +77084784872га мурожаат қилинг! www.iman.kz www.fatua.kz

ХАБАРЛАНДЫРУ

Меншік иесі Қонысбаев Байлыбек Турдибековичтің Түркістан облысы, Сайрам ауданы, Қарасу ауылдық округі, Ынтымақ ауылы, 058 (ноль елу сегіз) орамда орналасқан кадастырлық нөмірі №19295058345, алаңы 0,012 га жер учаскесінен мемлекеттің пайдасына өз еркімен нотариялды түрде бас тартатынын хабарлайды.

ХАБАРЛАНДЫРУ

Меншік иесі Салимбеков Болат Дауловичтің Түркістан облысы, Сайрам ауданы, Қарасу ауылдық округі, Ынтымақ ауылы, 057 (ноль елу жеті) орамда орналасқан кадастырлық нөмірі №192950533769, алаңы 0,6 га жер учаскесінен мемлекеттің пайдасына өз еркімен нотариялды түрде бас тартатынын хабарлайды.

ХАБАРЛАНДЫРУ

Меншік иесі Салимбеков Болат Дауловичтің Түркістан облысы, Сайрам ауданы, Қарасу ауылдық округі, Ынтымақ ауылы, 057 (ноль елу жеті) орамда орналасқан кадастырлық нөмірі №192950574063, алаңы 0,1411 га жер учаскесінен мемлекеттің пайдасына өз еркімен нотариялды түрде бас тартатынын хабарлайды.

ХАБАРЛАНДЫРУ

Меншік иесі Салимбеков Болат Дауловичтің Түркістан облысы, Сайрам ауданы, Қарасу ауылдық округі, Ынтымақ ауылы, 057 (ноль елу жеті) орамда орналасқан кадастырлық нөмірі №192950574062, алаңы 0,18088 га жер учаскесінен мемлекеттің пайдасына өз еркімен нотариялды түрде бас тартатынын хабарлайды.

ХАБАРЛАНДЫРУ

Меншік иесі Умарбеков Бахтияр Юлдашбековичтің Түркістан облысы, Сайрам ауданы, Қарасу ауылдық округі, Ынтымақ ауылы, 057 (ноль елу жеті) орамда орналасқан кадастырлық нөмірі №192950574022, алаңы 0,3669 га жер учаскесінен мемлекеттің пайдасына өз еркімен нотариялды түрде бас тартатынын хабарлайды.

ХАБАРЛАНДЫРУ

Меншік иесі Умарбеков Бахтияр Юлдашбековичтің Түркістан облысы, Сайрам ауданы, Қарасу ауылдық округі, Ынтымақ ауылы, 057 (ноль елу жеті) орамда орналасқан кадастырлық нөмірі №192950574021, алаңы 0,5168 га жер учаскесінен мемлекеттің пайдасына өз еркімен нотариялды түрде бас тартатынын хабарлайды.

ХАБАРЛАНДЫРУ

Меншік иесі Нишанкулов Бохром Кадиржановичтің Түркістан облысы, Сайрам ауданы, Қарасу ауылдық округі, Ынтымақ ауылы, 057 (ноль елу жеті) орамда орналасқан кадастырлық нөмірі №192950574073, алаңы 0,351 га жер учаскесінен мемлекеттің пайдасына өз еркімен нотариялды түрде бас тартатынын хабарлайды.

ХАБАРЛАМА

2014 жыл 18 маусымда Шымкент қаласындағы №101 жалпы орта мектеп атынан Нартаев Санжарбек Атабекұлына берілген негізгі орта білім туралы НОБ 1039346 куәліктің жоғалуына байланысты жарамсыз деб танылсын.

ХАБАРЛАМА

2018 жыл 30 маусымда Шымкент қаласындағы Орта-Азиялық медициналық колледж атынан Нартаев Санжарбек Атабекұлына берілген техникалық және кәсіптік білім туралы ТКБ №1143010 диплом жоғалуына байланысты жарамсыз деб танылсын.

● Мустақилликнинг 30 йиллигига – 30 эзгу иш

ЖЎШИБ ВА ЁНИБ ИШЛАШ БАХТИ



Сухбатдошимиз – Туркистон шаҳрининг ибратли фуқароси, йирик тadbиркор, спорт, соғломлаштириш, умумий овқатланиш, меҳмонхона, замонавий бассейн, кўп соҳали шифохона, қурилиш ашёлари ишлаб чиқариш, мебелсозлик каби ўнлаб соҳаларни унумли уйғунлаштирган, кўплаб янги иш ўринларини яратган фидойи инсон **Ғайрат Маҳкамбой ўғли Акешов**. Сухбатимиз “Қозоғистон Мустақиллигининг 30 йиллигига – 30 эзгу иш” мавзuida.



– Ғайрат Маҳкамбой ўғли, газетамизнинг доимий обуначиси сифатида сиз раҳбарлик қилаётган улкан жамоа ҳақида нашр саҳифаларида мақолалар эълон қилиниб, муассасаларингиз фаолияти батафсил ёритилади. Ўтган йили вилоят маркази, жаҳон сайёҳлик маркази – Туркистон шаҳри равнақи, Буюк Ғалабанин 75 йиллиги доирасида падари бузрукворингиз, Улуғ Ватан уруши иштирокчиси Маҳкамбой ота таваллудининг 100 йиллиги муносабати билан қатор янги иншоотлар барпо этиб, ишга туширдингиз. Мустақиллик йилларида фидойи меҳнатингиз, тadbиркорлик салоҳиятингиз билан Туркистон шаҳрида кўплаб янги иш ўринларини яратдингиз. Энг олис йўл ҳам биринчи қадамлардан бошланади, дейдилар. Мустақилликнинг дастлабки йиллари тadbиркорликка эндигина келган эдингиз...

– Тўғри, Туркистондаги ҳозирги Амир Темур номли мактабнинг биноси янгидан қурилиши ҳақида газетадан хабар топдим. Мен ўзим Ҳамза номли мактабда таҳсил олдим. Тошкент озиқ-овқат техникумини тамомлагач, Мустақиллик йилларида хусусий тadbиркорлик билан шуғулланишга бел боғладим. 2000-йилларда илк бор “Маҳкамбай ота” МЧБ ташкил этдик. Қарноқ йўли ёқасида жойлашган мухташам бинони ўша кездеги шаҳар ҳокими Мухит Алиев, депутатлар, оқсоқоллар биргаликда тантанали равишда очдик. Сўнг ишлаб чиқариш доираси кенгайди. Арис – Туркистон каналининг ўнг томони бўш ётган жой эди. Кўп қаватли “Амина” соғломлаштириш марказини, “Ибн Сино” шифохонасини барпо этдик. Туркистонда соғлиқни сақлаш соҳасига раҳбарлик қилган таниқли кўз шифокори Баҳодир Ҳабибуллаев, нафақадаги шифокор Шўра Исмулдаев, Туркистон шаҳар ўзбек этномаданият бирлашмасига раҳбарлик қилган тadbиркорлар Дониш

Маннотов, ҳозирги раис Баҳодир Ирисметов каби кўплаб таниқли инсонлар ушбу иншоотларнинг очилиш маросимида самимий тилақларини изҳор этишди.

Ҳозир саломатлик масканларда малакали шифокорлар беморларни даволашмоқда. Одамлар дардига шифо топиб, биз бунёдкорларга ҳам миннатдорчилик билдиришганида бошимиз осмонга етади. Бундай марказ вилоятда ягона. Ёпиқ ўйингоҳ барпо этиб, ишга туширдик. Бир неча йил муқаддам рамазон ойида, шаҳар ҳокими Алипбек Ўсербоев, Тажикбек Мусаев, шаҳар маслаҳати котиблари, депутатлар, фахрийлар, жамоат ташкилотлари раҳбарлари, шаҳар жамоатчи-

муттасил таъминлаб туриш осон эмас. Лекин, шунга қарамай, темирйўл вокзал худудида ўтган йили барпо этилган санат омборлари ҳажмини талабга мувофиқ кенгайтириб, янги биналар барпо этамиз. Ҳозирги шифохона, спорт, умумий овқатланиш, меҳмонхона мажмуаси худудида полиция бўлими учун бино қуриб беришга ҳомийлик қиламиз. Шунингдек, 25Х40 метр ҳажмида болалар майдончасини қуриб, жиҳозлаб берамиз.

– Туркистон шаҳри туркий олам давлатлари анжумани шоҳиди бўлди. Табаррук шаҳар Туркистонни умрида бир марта келиб зиёрат қилиш орзусида юрганлар оз эмас. Туркистон шаҳри туркий оламининг маънавий пойтахти, деб эълон қилинди. Ҳозирнинг ўзида зиёратчилар кўп. Ўтган йили миллиондан зиёд зиёратчи келишди. Пандемия тугагач, шаҳарга кўплаб сайёҳлар келади...

– Албатта. Шунинг назарда тутиб, ўтган йили Туркистон шаҳри ҳокими Рашид Аюпов, маслаҳат котиби, жамоат таш-

нинг умиди ва қувончи.

– Апрель ойининг 9 санасида соҳибқирон Амир Темурнинг таваллуд кунини – 685 йиллиги нишонланди. Сиз ҳам шу ойда туғилгансиз. Буни таъкидлашимиз сабаби бор, албатта. Етти аср муқаддам яшаб ўтган, бунёдкорликда тенгги йўқ Соҳибқироннинг “Агар қудратимизга шак-шубҳа қилсангиз, биз қурган иморатларга қаранг”, деган пурмаъно сўзлари туркий оламининг маънавий пойтахтида сиз бунёд этган мустаҳкам, мухташам, замонавий биналар мисолида бугунги кунда ҳам устувор аҳамиятини йўқотган эмас.

– Тadbиркор сифатида Туркистоннинг равнақи, обод, фаровон бўлишига муносиб ҳисса қўшиш – ҳаётимдаги асосий мақсадим. Шу йўлда жамоамиз билан муштарак мақсад йўлида ҳормай-толмай меҳнат қиламиз. Мустақилликнинг музаффар байрами барчага муборак бўлсин! Сиҳат-саломатлик, бахт-саодат, зафарлар барчага ҳамроҳ бўлсин.

– Сухбат учун ташаккур!



лиги иштирокида замонавий сузиш бассейнини тантанали очиб, ишга туширдик. Мижозлар кўп, талаб катта. Демак, бу иншоотимиз ҳам эл корига яраб турибди. Туркистон шаҳрига вилоят маркази мақоми берилганида ўша кездеги вилоят ҳокими Ж. Туймебаев биналаримизни кўриб, ҳокимлик департаментларини шу ерга, вақтинча жойлаштиришга қарор қилган эди. Бу ҳам жамоамиз, меъмор ва қурувчиларимиз меҳнатига берилган юксак баҳо. Ўн йил муқаддам бу ерлар бўш жой эди, шу йиллар ичида мухташам замонавий биналар қурилиб, Туркистон шаҳри кўрқига кўрк қўшаётганлигини ёш авлод биланвермайди. Буларнинг барчаси жамоамизнинг мустақиллик йилларидаги муштарак меҳнати мевасидир.

– Бу йил насиб этса, қандай иншоотлар қуришни режалаяпсиз?

– Пандемия шароитида барқарор, доимий ишлайдиган жамоани иш билан

килотлари иштирокида кўп қаватли замонавий меҳмонхона мажмуасини ишга туширдик. Шаҳар ўзбек этномаданият бирлашмаси раиси Баҳодир Ирисметов билан ҳамкорликда ташкилий ишларни амалга оширдик. Зиёратчи-сайёҳлар учун зарур бўлган барча қулайликларни – меҳмонхона, умумий овқатланиш, замонавий бассейн, шифохона мажмуаларини шай қилиб қўйдик. Меҳмонлар келса – бош устига. Муносиб хизмат кўрсатишга тайёрмиз.

– Оилангиз ҳақида гапириб берсангиз...

– Умр йўлдошим Раъно Содиқ қизи билан қобил фарзандлар – Моҳигул, Абдулаларни тарбиялаб, вояга етказдик. Куёв, келин Бекзод, Нозима – ҳам хизматда, ҳам иззатда. Фарзандларим мен билан бирга боболари номидидаги (“Маҳкамбой ота” МЧБ) корхонада меҳнат қилишади. Ширин-шакар невараларимиз – оиламиз-

Ш. МАДАЛИЕВ.

Тасвирларда: Ғайрат Маҳкамбой ўғли; Ғ. Акешов ҳамкасблари Сайдазим Эргешов, Ғайрат Аҳмедов, Абдулла Ғайрат ўғли, Тўлқин Тойжонов, Достон Саидовлар билан.

Муаллиф тасвирлари.

P.S. Туркистон шаҳрининг ибратли фуқароси, кўплаб хайрли ишлар ҳомийси, бунёдкор ҳамда тadbиркор **Ғайрат Маҳкамбой ўғлини таваллуд кунини муносабати билан таҳририят номидан самимий муборакбод этиб, сиҳат-саломатлик, янги зафарлар ҳамда умр йўлдоши Раъно Содиқ қизи билан фарзандлари, неварара, эвара, чеваралар камолини кўриб, табаррук Туркистонга ҳормай-толмай хизмат қилишини тилаб қоламиз.**

Директор — Бош муҳаррир учун — Муроджон АБУБАКИРОВ.

Бош муҳаррир

ўринбосарлари:

Муроджон АБУБАКИРОВ.

Авазхон БҶОРОБОВ.

Масъул котиба —

Шаҳноза УСМОНОВА.

Масъул шахслар:

Туркистон, Кентов — Шомирза МАДАЛИЕВ. 8(72533) 2-40-07.

Тўлебий — Баҳорой ДҶУСМАТОВА. 8(72547) 6-07-16.

Қазигурт — Хуршид ҚҶЧҚОРОВ. +7-701-447-37-42.

Сайрам — Мухтабар УСМОНОВА. +7-707-257-97-36.

Тулқибош — Мунира САЪДУЛЛАЕВА. +7-747-144-60-71.

Обуна, реклама ва эълонлар — Зокиржон МҶМИНЖОНОВ. +7-702-278-96-90.

Қозоғистон Республикасида тарқатилади.

Муассис: Туркистон вилояти ҳокимлиги.

Мулк эгаси — “Жанубий Қозоғистон вилоят ижтимоий-сиёсий газетаси таҳририяти” масъулияти чекланган биродарлиги.

● Мақолалар, эълон ва билдирувлардаги факт ҳамда далилларнинг тўрилиги учун муаллифлар, реклама ва эълон берувчилар масъулдир.
● Фойдаланилмаган мақолаларга ёзма жавоб қайтарилмайди.

МАНЗИЛИМИЗ: 160000, Шимкент шаҳри, Диваев кўчаси, 4-уй, 4-қават. Телефон: 53-93-17. Телефакс: 53-92-79. Бухгалтерия: 39-16-44. +7-747-701-50-55

Электрон почта: janubiy@inbox.ru

Газета ҚР Маданият ва ахборот вазирлиги томонидан 2020 йил 21 апрелдан рўйхатга олинган. КЗ34VPY00022503 гувоҳнома берилган.

Нашр кўрсаткичи — 65466
Адади — 11900

“ERNUR-print” МЧБ босмахонасида чоп этилди, Шимкент шаҳри, Т. Алимқулов кўчаси, 22.

Буюртма: 911.

Навбатчи муҳаррир: Хуршид ҚҶЧҚОРОВ.